



先秦 — 清末民初

中國野史集成·續編編委會
四川大學圖書館
編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

16

巴蜀書社·中國·成都

目 錄 (第十六冊)

明爭斷略	一
一統肇基錄	三〇
皇朝本記	三七
渤泥人貢記	六六
滇南慟哭記	六九
雲南機務抄黃	七一
遇恩錄	八六
奉天靖難記	九〇
建文朝野彙編	一五二
革朝志	五七五
建文書法儗	六六六
安楚錄	七七三

明事斷畧

明事斷畧目錄

洪武起兵

平定東南

集師滁和

定鼎金陵

宋事始末

洪武平漢

洪武平吳

洪武平閩

平方國珍

平定兩廣

北定中原

故元遺兵

洪武平夏

畧下河東

戡定關中

洪武平滇

明事斷畧目錄

封賞功臣

褒顯忠烈

正位分藩

封國燕京

靖難師起

轉戰山東

再出河北

長驅金陵

入正大統

燕王起兵

壬午徭難

三征

開設貴州

開設交趾

平山東盜

河漕轉運

治水江南

太子監國

征漢庶人	麓川之役
王振用事	土木之變
南內復辟	石亨之變
誅曹吉祥	平薛峽寇
汪直	平固原寇
開設鄖陽	平河北賊
安化之變	劉瑾之變
平江西寇	勦平蜀寇
勦清平苗	再平江西
明事斷畧	自錄
平都桂寇	討寧庶人
江彬之變	誅滅岑猛
庚戌之變	更定祀典
沿海倭亂	議復河套
俺答封貢	世宗崇道教
嚴嵩專權	再定大同
勘定安南	平湖貴苗
追戮仇鸞	

明事斷畧

洪武起兵

太祖起兵江北先借除陽王為潛龍奮飛之地既而總兵和陽以所得婦女還人此得天下之根本也雲從之彥既集渡江之策斯決用馮國用陶安之言而據金陵以為形勝然後四望以爭天下兼恃大江為險形格勢禁之道也至如克太平而葬總管斬義克集慶而葬南臺御史福壽兵戈方始即喪死事之臣得鼓舞忠義之術矣乃若天生聖人禎異多端紅羅浮水雷風成墳以

明事斷畧

及紫衣護於道上黃雲覆于城頭視班彪王命論神母徵應殆有進焉乘元之弊芟除羣雄與漢高同符矣按起兵在元至正十二年此十六年也太祖此時用龍鳳紀年已黜元朔矣

平定東南

既據金陵已得形勢然後命將出師掃吳越定湖漢以及江介淮揚諸郡蓋是時友諒雖殲士誠國珍尚在又元為共主守臣尤力羣雄割據人思曠島兵革方始備業艱難正在此時觀其臨軒遣帥平定東南首戒徐遠

曰吾自起兵未嘗妄殺城下之日勿焚掠殺戮又取浙東諸郡戒諸將曰克城雖以武而定民必以仁大哉王言真天地好生之仁矣其規模之大者立中書行省以爲出政之本以康茂才爲營田使而得重農之義聘禮劉基等開講經筵以咨詢治道蠲太平建業諸路田租發倉賑濟貧民倉猝兵間開國遠猷於斯見焉宜其天命有歸崛起在位爲三百年一統之主歟韓林兒死而始用吳年號勸進大位則又謙讓未遑如是者皆帝王氣象也自此以後長驅中原遂克元都金陵王氣實肇

明事斷畧

二

一統之業非小朝廷偏霸之可比矣此元至正二十七年也

集師滁和 洪武

上之去濠而畧定遠也實爲趙均用彭早住所逼乃定遠諸寨或以義招或以計取輒數萬人爲我用誠天贊也於是取滁州爲根本立郭公爲滁王救六合於瓦梁破元兵于滁澗又詐兵以取和陽得巢湖兵而濠大江真勢如破竹東南王業基於此矣然則郭公之不死於趙彭之手機在上之去濠趙彭見上到定遠氣力已成

故不敢加害郭公竄爲上也迨郭至滁而奉之爲王其節制報恩良厚二子背父而有圖上之謀其後一受小明王命死於元兵一竟無聞焉此國史之傳疑也嗚呼獨不可因父而庇其子乎

定鼎金陵 洪武

金陵東南一都會斯時元不以重兵守之而羣雄蜂起福通據潁亳天完擾荆楚士誠擅吳會俱舍金陵不圖則天之所以資太祖也然太平取而也先不服破金陵而南臺御史大夫福壽死之國有人焉自此以後置江

明事斷畧

三

南行中書省根本強固北伐西討可以橫行矣太祖首據金陵良以元兵尚勁大江以北蟠結犄角而不可擅動先守而後可以戰計無如金陵者藉長江爲險形格勢禁之道也此圖維天下之規不止一時形勢然也史記以爲金陵之計首出馮國用然自是太祖意中事矣

宋事始末 洪武

太祖之崛起也蓋有兩藉在河陽則藉郭子興爲兵主在金陵則藉韓林兒爲紀年二人死後乃自爲之韓林兒自稱宋後僭元龍鳳劉福通主其事自至元辛卯以

後江北之地山東幽薊秦晉中州俱爲福通所蹂躪元
將最有名莫如察罕亦卒隨其手是時元兵爲福通所
倚不暇有事江南太祖一力江南江北一帶則有福通
爲之蔽此天之所以生福通諸人爲聖主驅除民思王
者之師天眷神武之主所以不勞餘力而卒定中原也
歎若夫福通既死林兒携至金陵初太祖欲以御座奉
之得劉基胡床一賜不果未幾遂殂噫此事非基爲之
吾不信也然而物不兩大亦勢在使然也

洪武平漢

明事斷畧

四

友諒與太祖爭鋒凡兩大戰一則親犯建業有龍江之
敗一則攻圍南昌有鄱陽之敗而身以殲國以亡其他
池州之敗與慈湖采石之敗不與焉鄱陽之敗友諒雖
殲然太祖舟泊淺沙得韓成緩師又難星過度得他舟
相易潰死者屢矣呼吸生死之間於彼乎于此乎危乎
危乎以古事推之龍江之敗與孟德之赤壁待堅之觀
水無異鄱陽之敗則楚漢垓下之師也一戰而天下定
矣然龍江之役詐降者康茂才戰者劉基堅守南昌兩
月不下者朱文正也三人之功尤著又嘗以時事揣之

爾時張士誠據有吳會若使與友諒協謀戮力以偏師
繼建業而各以大兵隨其後未審太祖何以待之且乘
友諒狼攻南昌之日太祖往救之時士誠以一旅搗建
業太祖能無內顧之憂乎又使浙有方國珍閩有陳友
定江北有韓林兒劉福通使諸渠俱乘兩主鷓蚌之勢
合謀併力而殲之何有建業哉恐太祖自守不暇矣乃
數人者雖自守無復遠志天生太祖爲中原主遂生
友諒諸渠代爲驅除代爲割據在太祖一以爲誅賊一
以爲舉事而江楚兩粵與夫浙閩中原之地俱得於諸

明事斷畧

五

渠之手若與元無與焉太祖名爲掃元而其質所得之
土宇非元之版圖而諸渠之職方也是漢高祖唐太宗
諸人所不及也在當時爲太祖敵者友諒耳友諒起家
漁于稱帝四年年甫四十有二太祖罹險而不死友諒
流矢而天亡成敗之機決矣迨其後武昌既下陳理來
降猶對儲德侯而不殺尤人情所難哉

洪武平吳

士誠起家高郵據有江浙其地南至紹興北連山左與
太祖相攻伐淮南浙西之間疆場彼此歲無虛日友諒

而下與太祖爭東南者此人也友諒既平太祖命將規取先事淮揚蕩其巢穴既三路取杭湖分其兵勢而平江既下吳越瓦解厥所由說者謂士誠無遠畧以不能早取金陵及不能與陳氏共寇金陵為失算夫圖金陵者早亡而自守者獨得稍緩須與天命有歸無強弱皆弊一也所不愧者其妻劉氏攜妾媵自被義烈與齊雲爭高士誠絕粒自盡至死不降是亦漢高之田橫哉

洪武平閩

陳友定非賊也元之忠臣也初以福清布衣談兵敵賊以巡檢積功為中書省元之待之者厚矣乃陳張兵興其越路絕猶不避險阻海道入貢所以報元者亦厚矣至如鄰友諒國珍之兵土地陷而復收明使者至則殺之飲血誓以不降兵克延平則飲藥按劍終不偷生一則曰報元一則曰為元死元之諸臣如友定者少矣究至雷雨復蘇昇至建業臨刑偈強其言曰已矣勿多談抑何從容而就義也當其時八閩之守臣雖尚有人而主張運籌則友定一人太祖取閩水陸二道先之以胡廷美何文輝從陸繼之以湯和廖永忠從水宜其摧枯

也歟然而友定父子始終為元者也非寇也元之忠臣也此太祖洪武元年也

平方國珍

國珍賊中之小家也觀其受元官爵伺歿自固藉我聲援三郡來歸蓋游移兩可竊據海隅無遠志者也迨湯和朱亮祖等提兵深入國珍不能一矢相加潛身出走計窮而降亦可羞矣此無他向來遨遊於元明之間羈縻勿絕恃有士誠為之蔽耳吳克而國珍隨之起事在王辰癸巳之間猶在汝嶺斬黃羣兵未起之際而成就

明事斷畧

止此既不能稱號問鼎如陳張之兩雄復不能納土早歸煩天兵之猝至志小而情悲矣使當時元浙東當事能用都事劉基之言方氏首亂早為撲滅則江淮觀望諸公或者有所懲創不至橫行耶抑天命有歸劉基之生為明非為元也

平定兩廣

兩廣為元時無舉事者皆元臣也太祖吳元年命漢吳越三方既平乃命楊璟從陸路取廣西命廖永忠朱亮祖由海道取廣東已得首尾相援之勢又命贛州指

揮陸仲亨出頓州犄角之其論諸將諄諄靖亂止暴宜
布招安爲言又令其合兵進取廣西以故三路兵進廣
東之師得元左丞何貞一降遂成唾手靖江之役兩月
不下必得東師奏集始克成功皆遵廟算而行者也是
役也有二善焉先是廣西屬湖廣至是乃置中書省一
善也土官世守既已納印歸誠卽行宣慰以招遠人令
兩江溪洞黃零二姓勿生戎心二善也此洪武二年也
是時已命徐常二公有事中原矣

北定中原 洪武

明事斷畧

太祖起東南據金陵創大業漢吳浙閩既平嶺南亦定
十二年爲洪武元年乃遣大將徐達及副將常遇春北
定中原蓋十三年來之所圖維無非意在中原耳且中
原去元都近元人所必爭非徐常二人不可以故由淮
大河由山東及河南由河洛及潼關皆二人功多又先
命鄧愈駐襄陽以爲聲援上移駕汴京以示彈壓而後
乃議及元都之事於是元都遂在掌中矣請論中原之
機動勤以不殺爲念卽蒙古色目亦示開宥大哉王言
同天地矣天生聖人爲中國主豈偶然哉今述其寬中

原之易者何耶先是劉福通藉宋後韓林兒之名山東
河南幽薊一帶爲所破滅殘毀人民幾盡元之守臣竄
者降者仗義死節者業已去其十之八九故太祖藉南
方料勝之兵乘人心瓦解之勢自塔兒灣遇春一捷元
贖已破繼之以河西務郭英一戰元主隨遁至於命湯
和轉漕以繼軍需推誠降將左君弼等得其死力皆帝
略之大者宜爲天之所興歟

故元遺兵 洪武

明事斷畧

元都雖失元主在遁元臣擁兵各邊磨牙吮血與我爲
難未嘗斯須相忘太祖既得天下二十年中與元兵相
終始其功最著則徐達自西安搗定西取王保保李文
忠由居庸入沙漠追元主徐達沈兒塔一捷保保僅以
身免擒王公以下不可勝數文忠應昌一捷元主先殂
獲嫡孫買的八喇並后妃諸王無算此洪武三年事也
二人摧元之功于是首著繼此以後靡歲不戰沐英和
林之捷擒火脫赤全部以歸鄧愈招諭吐蕃河洲以西
甘朶烏思藏來降藍玉捕魚兒海大捷又得王子公主
平章劉益降而遼東始爲我有太尉納哈出降而東方

乃以無事連年用兵諸將之功偉焉獨是王保保終不臣服此太祖所以歎息也元有人焉自是太寧福餘彙顏及東勝大同各置衛所置都指揮等官敕徐達馮勝等分布諸將屯種各鎮東至開鐵西至偏關設險守固二千餘里亭障屹然籌算邊功可謂盡善元子就擒不忍獻俘以唐太宗隋裔爲比聖人存心日月爭光矣

洪武平夏

明玉珍以隨州布衣起兵元末初爲倪文俊鎮沔陽湖

明事斷

上

主稱王稱帝奄有西蜀年三十六卒子昇繼之報聘來貢修事大之禮無缺我兵蕩關陝得興元兵端因起太祖遣傅廖等將弔伐之兩路進發傅以陸路由秦道陳倉襲階文二州楊璟以水師進瞿塘爲鐵鎖所梗不利會得廖永忠計取瞿塘然後二路合兵西川震動明主以降此洪武四年也當其時傅兵已至綿州漢州恐下流不知乃削木牌千餘書兵至日期以爲消息然後慶兵聞信鼓噪而進沿江守將解體人心遂成風鶴又有都愈駐襄陽運糧軍輿不致乏絕安得不成功哉然則

蜀真割據之區而真主一統之外府也公孫而下若玉氏孟氏其類如一轍不其灼然者哉

嘗下河東

洪武

河東元之右臂既下元都自當有事河東况此時擴廓帖木兒守太原驍勇敢戰患居肘腋則河東之役庸詎可已徐常等取道真定直趨太行上又命馮宗異湯和等從河南一路會兵山西由澤潞以取平陽由絳州以取太原則擴廓在掌中矣澤東韓店一戰楊璟敗績幸有郭英保定之捷擴廓遁去太原遂下爲擴廓此時計

明事斷

上

者若使奉元主之令直走燕京則達等即得太原無所用之惟是反兵而救太原已爲達所料定且燕京既棄而太原復不可救遂致狼狽而入大同此元運之將終而非擴廓戰之罪也由是達等平定關陝而遇春殞命柳河命也此時元主之勢無如元都次則河東三方既下大統已集遇春雖死無恨矣

截定關中

洪武

徐達破吳北定中原克燕京皆勢如破竹兵不留行惟關中之役未免少却多所蹉跌則以有擴廓帖木兒在

馮故也李思齊張思道借擴廓為聲援擴廓亦資二人為羽翼故較他方獨難思齊來歸思道跳梁擴廓衝策於平涼甘肅之間伺隙而動搆闕無虛日蘭州之役解圍而退關陝以平厥後擴廓遂遠逝沙漠以終心亦良苦按擴廓一名王保保察罕帖木耳養子察罕為元總帥恢復山東屢敗宋兵死于降將元封穎川郡王元運既沮元之兵力亦弱惟有擴廓自燕京敗回復崎嶇于河東關陝之間與王師為難氣屢折而弗靡心益困而彌銳至不得已而寧為塞鬼耻為華人餽雖亡有人焉

明事斷畧

十三

有是父有是子世篤忠貞亦各言其志也已矣

洪武平滇

滇國東接烏撒西連土蕃蘭倉金沙南北萬里西偏一都會也太祖十四年命傅友德沐英諸人討之命以三路進師一從永寧入烏撒一由辰沅抵普定然後進兵曲靖直搗雲南諸將從之白石一戰梁王自焚雲南底定藍沐二人秋毫無犯綏緝其民宜為王者之師矣友德再定烏撒通川蜀之糧道沐英大破平緬神機衛其象兵諸將崎嶇大理北勝東川平越之間百戰功高雲

南雖下其所以收復雲南者力亦殫矣緬國車里八百媳婦皆詩內附頌不律哉其經畫之大者開屯田於營衛而軍興不匿置貴州都指揮使及雲南布政司而統軍治民有樞置鹽課司以足用改蜀道驛以避瘴所以策滇者何詳也其他定貢額均力役水利學校次第修舉沐英功在僻壤宜世守矣按此時貴州尚未立布政統於滇也至永樂乃割四省地郡縣之與滇分治矣

封賞功臣 洪武

明事斷畧

十三

外史曰皇明崛起翊運功臣徐常以下雲蒸霞變鳳翥龍驤歷考前代未有如是之盛者也懋功之典五等備矣迨封之隆進秩有差獨是因胡惟庸一人誅黨數萬連及功臣五十餘人善長伸救卒不免於死抑所謂殺運未除者歟踵而繼之靖難之戈興矣抑帝性雄武多猜故借此為犇彭之舉知國運所不足者此耳帝既剪之於前成祖復伐之於後忠義之魂上訴於天迨季世寇盜縱橫宗室名王多被慘害亦其驗也

褒顯忠烈 洪武

暨徽諸死事之臣惟鄱陽一戰為多則當時太祖勁敵

惟陳友諒爲最此漢高之項籍也不滅睢水矣立功臣
廟於康邸血食之長與彭蠡俱永諸臣不死矣至如蘇
成臨危代主甘飽江魚之腹與紀信榮陽之事異世同
符一火一水日月爭光高陽侯之封首冠諸臣祀典允
宜其他攻城斬將死於敵手俱得廟食配享不朽亦烈
矣至于崇尚風節旌顯余闕安福等猶足振起百世廉
頑立懦矣

正位分藩洪武

英雄舉事多有所資乘人心之憤爲創起之業太祖之

明事斷畧

古

與宋主韓林兒是也元得天下於宋宋主中國禮樂文
章三百年人心思宋未嘗漸滅故元末劉福通等假其
名以號召中原所向無堅城太祖起淮泗先資郭子興
後資林兒借正統之苗裔懷華夏之心此亦漢高奉
義帝之心也克金陵稱吳王用龍鳳年號林兒祖乃卽
皇帝位建元洪武是其心何嘗一日忘故主哉天生聖
人釐降多男剪桐訓梓二十有四亦云奇矣獨怪高后
所出四人太子燕王本屬同母靖難之兵以叔戕姪以
臣伐君是相煎之急也揆之前代晉八王梁湘東與

言北二齊同室操戈骨肉相殘未有不敗者獨至成祖
一雪此言毋亦太祖救民塗炭再造區宇功最大故國
本搖而不動社稷危而復安有出於理數之外者仍歸
太祖而不在成祖也

封國燕京洪武

太祖以太子仁柔幾欲易儲已逆知燕王之必帝千古
之明主也劉三吾以秦晉爭之不果後遂有靖難之事
甚矣經生之禍人國也漢高唐太宗初皆有易儲之心
不卽行皆不免於流毒然則國家大事英主力行亦在

明事斷畧

古

乎斷而已矣太祖亦爲常見所拘况下此者乎說者又
謂此際有天意焉燕王宮殿皆元舊制他王不以爲例
已生覬覦之心况有奸僧白帽之說逗其非常之想卽
無齊黃諸人成祖亦不以燕王終矣獨怪靖難一舉而
思義種子盡矣前有胡藍之變後有靖難之師不三十
年而兩大獄繁興誅伐互起屠剝國良幾無遺類天地
之生才有數斧斤之誅鉏靡已猶幸逆取順守勤手求
治卒能保其天祚有而勿夫也

靖難師起永樂

成祖曉果善用兵太祖久欲易儲已逆知其必變當太祖之喪建文業已正位乃入臨稱病不拜其周公輔政之心已見於此齊黃謀削奪藩封遷周執齊通湘削岷詭圖受禍皆因疑燕而起乃圖燕之謀未成而高國已先受禍謂燕王束手待斃此非人情爲此時計者惟有齊秦先圖燕王一著耳乃惑於子澄之言先諸國而後燕所謂機事失於穀中天命有歸大物將改矣迨張信之言一洩而張曷謝責隨以就擒兵端起不可救矣向來開平臨青山海之兵徒虛設耳然齊黃建文之屍錯

明事斷畧

宋

也舉事不成無害爲忠成祖若敗則吳王淮南復見於後世矣建文一代之主也建文君之稱謂正史何則年號之當復不待異世辨之矣

轉戰山東 永樂

外史曰靖難初舉革除建文年號已甘心於建文不兩立之勢矣建文以李景隆爲大將識者知其必敗不待渡江之日矣耿炳文真定敗後景隆提師河間不進其非當誅可以易將矣乃舉朝恬然不悟以致有北平之敗奔濟南迨至成祖攻大同而景隆來救復至道路相

左是亦走也猶以捷聞加官白溝之戰成祖幾危景隆復以單騎走德州是時鐵鉉爲景隆督餉知事不成誓守濟南景隆棄德州走濟南布陣未定復以單騎走噫計自北平白溝德州濟南凡五走矣景何善走也人謂景隆原非將材非也蓋實欲成祖之速帝耳成祖一阨於濟南幾死鐵鉉之手一阨于東昌脫盛庸之擒自景隆爲將曾無一捷謂非幸建文之敗而樂燕王之成誰其信之建文懦弱使景隆將兵是開門而揖盜也且囑諸將勿令朕他日有殺叔父名愚甚矣嗟乎此時若以

明事斷畧

宋

鐵鉉爲大將燕唾手矣任用非人自取其斃建文固無論齊黃輩肉可勝食哉

再出河北 永樂

靖難之師再出河北而未嘗不爲成祖危也爾時盛庸在德州吳平等在真定遼東守將楊文剋永薊大同守將房昭在紫荆盛庸既有東昌之捷身爲大帥則羣將聽其約束若使聞成祖未出兵之時四將合力直搗北平則成祖內顧不暇何敢南驅唯是以孤軍單敵撓逗日久自取敗衄渚沱之役德州真定繼敗而楊文始剋

永薊房昭始出紫荆關計之晚矣成祖乘得勝之師復克東西二敵回顧根本有餘裕矣惜乎先發制人克師在和而南軍未之知也此時若以鐵鉉爲大將必能辦此又此時內無強隣外無邊釁故燕王得以一意圖南耳計靖難之師轉戰山東歸北平者一苦於濟南之鉉一苦于東昌之庸再出河北歸北平者一則防房昭之議其後也可惜昭此舉不在薄沱以前與庸等夾攻之又可惜楊文與昭不同心大舉直走北平而徒擾附近之郡縣以致成祖全師而歸天也人且如之何哉然

明事斷舉

六

則燕王上書解兵孝孺力主進兵非乎曰是也成祖臨喪不拜建文與夫起兵去建文年號不臣之心已見于天下南兵卽欲止之而孰與止之所謂騎虎之勢必難中下此成祖緩兵之計而孝孺逆破其奸也然則縱反間於燕王世子俾高煦等自生其變孝孺此舉疑非人所爲曰孝孺知兵處正在此也維時高煦雄武類成祖白溝東昌之役兩救其父于危若得一紙書掛繫於父子兄弟之間賢于南兵十萬師矣若夫計之不成則又天也人臣出死力以裨國家之急惟此兩著孝孺深

中機宜在此耳

長驅金陵 永樂

靖難之師南征者三歸北平者亦三其轉戰山東以東昌濟南之役歸北平再出河北以房昭出紫荆關歸北平此有二說一爲根本計一爲南方諸城未下恐隔歸路不免內顧耳金陵之役屬第三舉直搗金陵何歎蓋南方所恃者盛庸平安二人在成祖之意以爲天下之勢在金陵與吾爲難者在建文金陵一日不克則建文一日年號不去建文一日年號不去則我舉兵謂何是

明事斷舉

五

我倒持其柄以束天下之口且以身爲衆射之的也慮方大耳故此番之舉且置諸城不問必以金陵爲事以金陵爲事必先克平安盛庸二人爲急南方露此意者既有中官我軍同此意者又有朱能過河之戰生擒平安去其一敵德州之役破庸將葛進乃進而渡淮而盛馬步戰艦列淮南岸竟以單舸走進而渡江而盛駐海艘上下二百里竟以單騎逃又去其一敵二敵盡矣是時也江淮之破旣去則金陵入其掌中故斷送金陵者先李景隆而後則盛庸也竊以意斷之景隆之敗有心

盛唐之敗無意然三軍之命懸於節下國之存亡在此一舉同歸于敗則一耳南方所用之將如此安得不亡乎獨怪齊黃此時陽貶蘇州猶欲與太守俱逃發難端者何人乎孝孺不奉草詔轟烈而死不愧建文臣矣谷王首開金川門納兵是賊也宜與景隆盛庸等並誅可也

入正大統 永樂

革除之際余忍言之哉既已入正大統矣即不革除無害也革除者恨之也既已恨之則建文若在安得復為

明事斷畧

二十

成王哉固辭帝位而不居者皆假也孝孺指斥景隆犯罪及其身以為事君者勸不亦可乎顧乃連及九族累及鄰封坐死者數千百人慘矣胡藍之變太祖摧功臣于前靖難之師成祖復摧諸賢於後世安得復食節義之報乎然諸君子以此成名而成祖以是累德矣跡成祖行事大類唐太宗其親身臨陣亦類之然太宗之天下自為之非創自高祖也故六月四日之事不妨直書且建成元吉有得罪宮闈之舉大義滅親異世猶或非之在成祖靖難之師既云迫於不得已而起聊以避

禍矣獨不可掃太祖之子兄弟之賢者而主之乎天下太祖之天下也與太宗不同也周王齊王皆可也何必身自為之由是言之不及太宗遠矣

燕王起兵 永樂

燕之舉兵克捷在燕王自為將而南兵之敗在勿令朕有殺叔父名一語燕王既知此語遇戰先登瀕死者屢竟脫去則以帝詔勿殺在先而軍中人欲生擒故也然其舉兵克捷大端有四起兵之始掠薊遵懷來山後州縣已無內顧之虞一也隨攻大寧挾寧王取孕顏二衛

明事斷畧

二十一

兵分隸軍中又有口外率師來助百戰百勝半出邊騎二也又高煦驍勇屢出王危督領精兵催渡大江三也燒南兵之糧船斷南兵之餉道四也南兵之所以敗者亦有數端耿炳文敗於滹沱而不治罪李景隆敗于白溝而不治罪三易盛庸見二人敗兵如此不治罪如此安得不一走於淮再走于江乎江淮既走寇至門庭矣軍令不嚴大將屢易欲不敗得乎事起于齊黃而法不行於將帥此建文之所以亡也然建文一人耳諸王皆太祖之裔懿文同父產也濠周王於雲南削岷王為庶

人兵湘繫齊幽桂何獨忍于諸王而寬于燕王乎又何必作此姑息之語以虛名而受實禍乎臨陣且不欲殺况來朝乎機事失之殺中持其柄以示人齊黃等死不足以及贖建文亦自取之孽矣

壬午御難 永樂

外史曰吾讀建文壬午遺事而致嘆於明祚之過歷也古來敵國之君得敵國之天下殺敵國忠義之臣未有滅宗斬祀血流海內蔓衍株連動以萬計如靖難之酷者也計洪武元年至壬午纔三十餘年耳而所培養砥

明事斷畧

五

礪已自如此豈天地忠厚節烈之氣天篤生之以昭一代之綱常而不關國運耶初望之獄連死者四萬餘人猶曰謀逆也至遜國抗節諸臣引頸而誅復數萬何以謝忠義之魂乎扶輿之苞孕竭矣乃天眷有明繼繼繩繩勿墜厥緒享有天下至三百年之久彼成祖何以得此哉識者猶歸功於太祖及列宗云

三征 永樂

永樂北征凡三八年庚寅二月征元遺孽本雅失里戰幹難河乃元祖始興地失里遁去勒銘擒虎山十月還

北京十二年甲午三月征馬哈木戰撒里怯兒地哈木遁去八月還北京二十年壬寅二月征阿魯台次湖濱海收其孽畜班師九月還北京二十二年甲辰復征魯台不遇而還師至榆木川上崩嗟乎三敵者阿魯台最難而征失里時阿魯台來戰靜魯鎮敗走矣其後則又納款又遣使內附上封為和寧王未幾隨寇寧夏夫是以有甲辰之師罪浮于失里馬哈木二人矣三者皆親征也魯台之役以議糧不繼至誅兵部尚書方寶籍戶部尚書夏元吉可見魯台叛服不常上心惡之憤兵必

明事斷畧

五

敗宜有沙邱之事若使此三事者並集於靖難之時恐成祖不能渡江矣乃天假時以生邊變成永樂神武之名且因北征日久而遂以燕京為都南京止稱留都誠子孫百世之利矣

開設貴州 永樂

貴州羅施鬼國羅甸國王火濟之後歷唐宋皆以宣慰治之不設流官其地西接滇蜀東連荆輿皆四省地也洪武十四年雲南方開置貴州都指揮司未郡縣也洪武之世定亂者三思州及古州尚蠻亂湯和楊文繼平

之馬燧以裸違齋香激變地方齋香叩關馬燧伏誅乃開赤水烏撒立龍場九驛周道千里以報朝廷女子立功蠻荒未有如齋香之著者也至永樂中思州思南沙坑相爭亂不止上密遣鎮遠侯顧成校士擒之乃定於是皇帝念曰郡縣不設土目作祟亂終未有以已乃立貴州承宣布政使司設三司等官六府四州十五衛居然一都會矣此永樂十一年也于此見二祖遠略誠有不可及者夫馬燧不誅則齋香之心不服且諸羅告變勢必窮兵三州相爭若張皇致討露師萬里豈易得志

明事斷畧

五

三祖處置得宜不惜一將易千里之地不勞一師成底定之功誠亦奇矣其初鄉貢仍附雲南後乃分治與十五國等矣

開設交趾 永樂

漢武帝平南越分交趾為三郡唐宋以後羈縻之不設郡縣太祖因陳氏來貢仍之永樂在御黎季犛戕殺其主稱皇帝陳天平自老揭上變上使人送之見殺然後令張輔沐晟征之諭以立陳氏後輔出廣西馮祥景出雲南蒙自克其兩郡罪人授首陳氏無後從國人之

請裂為郡縣三司用建流官用設居然省會矣未幾有簡定之變稱曰南王又擁立陳季擴指為陳後稱皇帝二人以次就擒輔沐凡定交趾者三擒王者亦三夫以遠在蠻荒不奉正朔成祖以百戰得此一塊土豈可輕擲乃宣德厭亂楊士奇楊榮當國遂力主棄去且以珠崖為比君臣賀為盛德當時夏原吉蹇義力爭之奪於二楊不果嗟乎珠崖之棄始于賈捐之維州之棄始於牛僧孺俱在漢唐宋中葉非兵力強盛之時乃宣德去成祖未久大寶三傳割地數千里邊圖多塵小醜伺釁

明事斷畧

五

端自二楊作之孽矣獨計當時交趾既開張輔黃福官其地前後且二十年俱以撤回釀變當時若以一人引沐英故事世鎮其地則交趾亦雲南矣何遂不可治哉由是論之其失又不獨二楊而在成祖之世矣

平山東盜 永樂

唐賽兒一妖女子耳作亂於益都石寨煽惑安莒諸郡封遂成燎原之勢柳升專征失機連賊忌功釀亂吳中伏誅深當其罪唯是妖姬漏網株連天下婦女幾萬人其為法也酷矣哉究竟賽兒既獲兵刃莫施解紐而去